



## Komentar monetarnih kretanja za februar 2021. godine

Ukupna novčana masa (M2) na kraju februara 2021. godine je iznosila 28,65 milijardi KM, na mjesečnom nivou registrovan je rast za 237,6 miliona KM (0,8%). Rast novčane mase (M2) u februaru 2021. godine rezultat je rasta (M1) za 158,5 miliona KM (1%) i (QM) za 79,1 milion KM (0,6%). Novac (M1) povećan je prvenstveno usljed rasta prenosivih depozita u domaćoj valuti za 121,3 miliona KM (1,2%) i blažeg rasta gotovine izvan banaka za 37,3 miliona KM (0,7%). U okviru kvazi novca (QM) zabilježen je rast prenosivih depozita u stranoj valuti za 59,1 miliona KM (2%), ostalih depozita u domaćoj valuti za 12,6 miliona KM (0,4%) i ostalih depozita u stranoj valuti za 7,3 miliona KM (0,1%).

Na godišnjem nivou porast novčane mase (M2) iznosi 2,13 milijardi KM (8%). Rast je ostvaren kod gotovine izvan banaka za 743,7 miliona KM (17,2%), prenosivih depozita u domaćoj valuti za 1,29 milijardi KM (14,4%) i prenosivih depozita u stranoj valuti za 522 mil. KM (21,1%). Istovremeno, ostvareno je smanjenje ostalih depozita u domaćoj valuti za 83,4 miliona KM (2,7%) i ostalih depozita u stranoj valuti za 340,9 miliona KM (4,5%).



Protustavka rastu novčane mase (M2) na mjesečnom nivou u februaru 2021. godine u iznosu od 237,6 miliona KM (0,8%) je rast neto strane aktive (NSA) za 91,3 miliona KM (0,6%) i neto domaće aktive (NDA) za 146,3 miliona KM (1,2%). Porast novčane mase (M2) na godišnjem nivou od 2,13 milijardi KM (8%) rezultat je rasta neto strane aktive (NSA) za 1,97 milijardi KM (13,8%) i neto domaće aktive (NDA) za 166 miliona KM (1,4%).

## Monetarni pregled

	Stanje u mil. KM	Mjesečne promjene u mil. KM			Godišnje stope rasta u %		
	II 2021	XII 2020	I 2020	II 2020	XII 2020	I 2020	II 2020
<b>Aktiva</b>							
<b>1. Neto strana aktiva</b>	<b>16.195,5</b>	<b>299,5</b>	<b>90,3</b>	<b>91,3</b>	<b>14,8</b>	<b>13,9</b>	<b>13,8</b>
1.1. Strana aktiva	18.367,4	374,6	-25,1	52,3	7,4	7,0	7,0
1.2. Strana pasiva	-2.171,9	-75,1	115,4	39,0	-25,4	-25,8	-26,2
<b>2. Neto domaća aktiva</b>	<b>12.456,1</b>	<b>159,3</b>	<b>74,7</b>	<b>146,3</b>	<b>-1,2</b>	<b>0,7</b>	<b>1,4</b>
2.1. Potraživanja od centralne vlade (neto), kantona i općina	535,6	173,5	241,2	-7,4	-274,9	-905,9	2757,0
2.2. Potraživanja od domaćih sektora	19.228,9	-50,7	-118,1	95,2	-2,6	-0,9	-0,8
2.3. Ostale stavke	-7.308,4	-36,5	48,4	-58,5	1,6	5,0	2,6
<b>Pasiva</b>							
<b>1. Novčana masa (M2)</b>	<b>28.651,6</b>	<b>458,9</b>	<b>165,0</b>	<b>237,6</b>	<b>7,3</b>	<b>7,8</b>	<b>8,0</b>
1.1. Novac (M1)	15.348,7	372,7	135,0	158,5	13,6	15,1	15,3
1.2. Kvazi novac (QM)	13.302,8	86,2	30,0	79,1	0,9	0,5	0,7

## Ukupni krediti

Ukupni krediti domaćim sektorima na kraju februara 2021. godine iznosili su 20,31 milijardu KM. U odnosu na prethodni mjesec povećani su za 80,4 miliona KM (0,4%). Kreditni rast registrovan je u sektorima stanovištva za 22,3 miliona KM (0,2%), privatnih preduzeća za 79,7 miliona KM (0,9%) i javnih preduzeća za 0,5 miliona KM (0,1%). Smanjenje kreditnog rasta registrovano je u sektoru vlade za 15,2 miliona KM (1,3%) i ostalim domaćim sektorima za 7,0 miliona KM (4,5%).

Posmatrano na godišnjem nivou ukupni krediti u februaru 2021. godine bilježe pad od 130,6 miliona KM ili 0,6%. Rast kredita registrovan je u sektoru stanovništvo za 17,3 miliona KM (0,2%), sektoru vlade za 27,7 miliona KM (2,5%) i sektoru javnih preduzeća za 48,1 milion KM (10%). Smanjene kredita registrovano je u sektorima privatnih preduzeća 214,1 miliona KM (2,4%) i ostalih domaćih sektora za 9,7 miliona KM (6,1%).

### Sektorska struktura kredita u BiH

	Stanje u mil. KM II 2021	Mjesečne promjene u mil. KM			Godišnje stope promjene u %		
		XII 2020	I 2021	II 2021	XII 2020	I 2021	II 2021
<b>Ukupno</b>	20.307,1	-53,7	-120,7	80,4	-2,0	-0,5	-0,6
Od toga:							
Stanovništvo 1)	9.898,1	-34,7	-18,9	22,3	-0,8	0,4	0,2
Privatna preduzeća 1)	8.590,6	-35,1	-77,6	79,7	-4,9	-2,9	-2,4
Vladine institucije	1.141,6	-8,1	-4,4	-15,2	5,7	6,3	2,5
Javna preduzeća 1)	527,7	13,2	-8,6	0,5	7,7	8,7	10,0
Kreditni ostalim domaćim sektorima	149,1	10,9	-11,2	-7,0	-0,1	-0,1	-6,1

### Devizne rezerve

Devizne rezerve Centralne banke BiH na kraju februara 2021. godine iznosile su 13,67 milijardi KM, smanjene su za 89,3 miliona KM (0,6%) u odnosu na prethodni mjesec. Na godišnjem nivou devizne rezerve Centralne banke BiH porasle su za 1,21 milijardu KM (9,7%).